

Բ. ԱՌԱՔԵԼՅԱՆ

ԺԱՄԱՆԱԿԱԳՐԱԿԱՆ ԴԻՏՈՂՈՒԹՅՈՒՆՆԵՐ

1. ԹԵՈՂՈՐՈՍ ԹՇՏՈՒՆՈՒ ԵՎ ՄՈՒԱՎԻԱՅԻ ՄԻՋԵՎ ԿՆՔՎԱԾ ՊԱՅՄԱՆԱԳՐԻ ԺԱՄԱՆԱԿԸ

650-ական թվականների սկզբներին Ասորիքի արաբ կառավարիչ ու զորավար Մուավիան և հայոց իշխան Թեոգորոս Ռշտունին կնքեցին մի պայմանագիր, որով Հայաստանն ընդունում էր արաբական խալիֆայթի վերիշխանությունը: Այս պայմանագրի աստիճանի վրա ճշգրտված է հ. ոմանք այն դնում են 651 թվին (Մ. Օրմանյան)¹, ոմանք 652 թվին (Կ. Նզյան)², մյուսները՝ 653 թվին (Հ. Մանանդյան)³, Չափյանը դնում է նույնիսկ 646 թվին⁴:

Պայմանագրի բովանդակության և կնքման ժամանակի վերաբերյալ տեղեկություններ է պահպանել ժամանակակից պատմիչ Սեբեոսը: Ահա այդ վկայությունը.

«Արդ՝ իբրև ետես արքայն Իսմայելի դյաջողումն յաղթութեանն, և զի բարձաւ թագաւորութիւնն Պարսից, իբրև լցան ամբ Գ պայմանի խաղաղութեանն՝ ոչ կամեցաւ այլ աւելի առնել խաղաղութիւն ընդ թագաւորն Յունաց, այլ հրաման ետ զաւերաց իւրոց ունել զործ պատերազմի ընդ ծով և ընդ ցամաք, զի բարձցէ և զայն ևս թագաւորութիւն յերկրէ, յերկոստասաներորդ ամի թագաւորութեանն Կոստանդի⁵:

Եւ ի նմին ամի ապստամբեցին Հայք և ի բաց կացին ի թագաւորութեանն Յունաց և հնազանդեցան ի ծառայութիւն արքային Իսմայելի, եղին ուխտ ընդ մահու, և ընդ դժոխոց դաշինս կռեցին Թեոգորոս Ռշտունեաց տէր ամենայն իշխանաւքն Հայոց...»⁶:

Սեբեոսը որոշակի ասում է, թե արաբները բյուզանդական կայսրության դեմ հարձակման են անցնում Կոստանդինի թագաւորության 12-րդ

¹ Օրմանյան, «Աղգապատում», Կ. Պոլիս, հատ. Ա, էջ 722:

² Տէս Պատմութիւն Ղեւոնդեայ Մեծի վարդապետի Հայոց, Պետերբուրգ, 1887 թ. հրատարակության առաջաբանը, էջ 47:

³ Ակադ. Հ. Մանանդյան, «Ժողովրդական ապստամբությունները Հայաստանում արաբական տիրապետության դեմ», էջ 6:

⁴ Չափյան, «Պատմութիւն Հայոց», հատ. Բ, էջ 347:

⁵ Ընդգծումը մերն է—Բ. Ա.:

⁶ Սեբեոսի եպիսկոպոսի պատմութիւն, հրատ. Արմֆանի, 1930 թ., էջ 140:

տարում և նույն տարին էլ պայմանագիր է կնքվում Թեոդորոս Ռշտունու և Մուսավիայի միջև: Կոստանդին Բ գահ է բարձրացել 641 թվին: Այս թիվը հաշվելով նրա դահակալության առաջին տարին՝ կոեսենք, որ նրա թագավորության 12-րդ տարին ընկնում է 652 թվին: Սխալ կլինե՞ր 641 թվի վրտ գումարել 12 տարի = 653 թ., քանի որ պատմիչը պարզ ասում է, թե պայմանագիրը կնքվել է Կոստանդնի թագավորության 12-րդ տարում և ոչ նրա դահակալությունից 12 տարի հետո:

Այս թվականն ավելի ճշգրտվում է ժամանակակից պատմական անցքերի կապակցության մեջ: Սերեոսի վկայության մեջ ասվում է, թե արարների հարձակումը և պայմանագրի կնքումը տեղի են ունեցել պարսկական թագավորության վերացումից և 648 թվին խալիֆաթի ու բյուզանդական կայսրության միջև կնքված եռամյա զինադադարի ժամանակը լրանալուց հետո. այլ կերպ դժվար է հասկանալ Սերեոսի խոսքերը. «արդ՝ իբրև ետեսարժայն Իսմայելի զյաջողունն յաղթութեանն... իբրև լցան ամք Գ պայմանի խաղաղութեանն...»¹ և այլն:

Սերեոսը պարսից թագավորության վերացումը դնում է Սասանյան Պարսկաստանի արևելյան գավառներն արարների կողմից նվաճվելու և Հազկերտ Գ-ի մահվան տարին, իսկ այդ անցքերը տեղի են ունեցել 651 թվի ընթացքում: Նույն թվին էլ լրացել է զինադադարի ժամանակը՝ «եւ եղև յամին մետասաներորդի Կոստանդին լուծունն լինի հաշտութեանն՝ որ ընդ Կոստանդին և ընդ Մաւիաս իշխանն Իսմայելի»²:

Ուրեմն, Թեոդորոս Ռշտունու հետ պայմանագիրը կնքվել է 651 թվից հետո:

Պայմանագիրը 652 թվին կնքված լինելու երրորդ կարևոր ապացույցն այն է, որ այդ պայմանագիրն առիթ ծառայեց, որպեսզի նրա կնքումից անմիջապես հետո բյուզանդական Կոստանդին Ի կայսրը, հարյուր հազարանոց բանակի զլուխն անցած, արշավի Հայաստան՝ երկիրը բյուզանդական կայսրությանը ենթարկելու համար. իսկ այդ արշավանքի ժամանակը չի վիճարկվում—այն տեղի է ունեցել 652 թվին: Նույնիսկ կարելի է որոշել, թե տարվա որ ժամանակ է սկսել Կոստանդինն իր արշավանքը: Բյուզանդական կայսրը հետևում էր հայերի վերաբերմունքին դեպի արարները և, պայմանագրի մասին իմանալուն պես, փորձում է ուրաշահել հայերին.

«...զի թէպէս ե բաղում աղաչանս և պաղատանս զրեաց առ նոսա [հայերին] կայսրն և կոչեաց զնոսա առ ինքն, և ոչ կամեցան լսել նմա: Ապա ասէ. «Ես գամ ի Կարնոյ քաղաք, և եկայք դուք առ իս»: Եւ կամ՝ «Ես գամ առ ձեզ, և տամ ձեզ աւղնութիւն հոգի և խորհիմք ի միասին, եթէ զինչ արժան իցէ առնել». սակայն և այնպէս ոչ կամեցան լսել նմա»³:

Հայերի մերժողական պատասխանին հետևում է Կոստանդնի արշավանքը:

¹ Սերեոսի եպիսկոպոսի պատմութիւն, հրատ. Արմֆանի, 1939 թ., էջ 140:

² Նույն տեղում, էջ 146—147:

³ Նույն տեղում, էջ 141:

«Յայնժամ արքայ Կոստանդին... առ զգալս իւր և զնաց ի Հայս ծ հազարաւ... եւ անտի զնացեալ եկն ի Կարնոյ քաղաք. յամի ԺԲ-երորդի թագաւորութեան իւրում, ի քսան ամի Իսմայելացւոց տէրութեանն»¹:

Կոստանդինի թագաւորութեան 12-րդ տարին 652 թվականն է, իսկ արարների տիրապետութիւնն ակնհայտորեն հաշվված է առաջին խալիֆի գահակալութեան տարուց՝ 632 թվից:

Սերեոսը վկայում է, թե Կոստանդինը Կարինում երկար չմնաց. «Եւ նստաւ արքայ Կոստանդին ի Կարնոյ քաղաքի աւուրս ինչ»: Ապա նա շարժվում է առաջ՝ ղորքերի համար կողոպուտներ կատարելու, Հայաստանում ձմեռելու և «երկիրը մեջտեղից վերացնելու» մտազրույթյամբ:

«... կամեցաւ առնուլ աւար ղղաւրացն բաղմութեան, և երթալ ձմեռել ի Հայս, ղի բարձցէ զերկիրն ի միջոյ»²: Այնուհետև Սերեոսը պատմում է, որ կայսրը քսան հազար ղորքով ձմեռն անց է կացնում Հայաստանի այն ժամանակվա մայրաքաղաք Դվինում և Կ. Պոլիս է վերադառնում ձմեռն անցնելուց հետո, զատկի մոտերքը, այսինքն՝ 653 թվի դարնանը:

Այս ամենից հետեւում է, որ Կոստանդին Ի իր արշավանքն սկսել էր 652 թ. աշնանը, ուստի Թեոդորոս Ռշտունու և Մուսավիայի միջև տրամադարի կնքումը, որն և առիթ էր ծառայել Կոստանդինին, հայերին սիրաշահելու անհաջող փորձից հետո, սկսելու իր արշավանքը, կարող էր տեղի ունենալ միայն ամիսներ առաջ, այսինքն՝ 652 թ. ամառը:

Այս հաշվումները հաստատվում են նաև Անանիա Շիրակացու և Ղեվոնդի վկայութիւններով, որ հայերը, վրացիները և աղվաններն ապստամբել են արաբների դեմ, ծառայելով նրանց երեսուն տարի:

«Դտղարէին ի հաւկատուութենէ նոցա Հայք, Վիրք և Աղուանք ծառայեալ նոցա ամս 1. [30]»³: Այնուհետև պատմում են, որ ապստամբութեան 4-րդ տարում Հայաստան են արշավել խաղաղները, որոնց դեմ պատերազմելիս սպանվում է Հայաստանի իշխան Գրիգոր Մամիկոնյանը: Մեր մի հոգովածում⁴ քննելով այս ապստամբութեան ժամանակի հարցը, ցույց ենք տվել, որ Գրիգոր Մամիկոնյանի սպանութիւնը խաղաղների դեմ մղած ճակատամարտում տեղի է ունեցել 685 թվի օգոստոսի 16-ին⁵, իսկ դրանից երեք տարուց մի փոքր ավելի առաջ տեղի ունեցած ապստամբութեան ժամանակը որոշել ենք 682 թ. ամառը: Հիրավի, Անանիա Շիրակացին, որ ժամանակակից էր այդ անցքերին, իսկ Ղեոնդը, որը լավ ծանոթ է Սերեոսին և շարունակում է նրան, իր պատմութիւնն սկսելով այնտեղից, որտեղ թողել է Սերեոսը, հայերի ծառայելը (այսինքն արաբների տիրապետութիւնն

¹ Նույն տեղում:

² Նույն տեղում, էջ 142:

³ Պատմութիւն Ղեոնդեայ Մեծի վարդապետի հայոց, Պետերբուրգ, 1887, էջ 15, նաև Անանուն ժամանակագրութիւն, Վենետիկ, 1904, էջ 79:

⁴ Տե՛ս «Դիտական ժողովածու», նվիրված Հայաստանում Սովետական իշխանութեան հաստատման 20-ամյակին, էջ 65:

⁵ Դեպքերին ժամանակակից Անանիա Շիրակացին վկայում է, որ Գրիգոր Մամիկոնյանի սպանութիւնը տեղի է ունեցել հայոց ՃԼԴ թվականի սահմի ամսի 10-ին: Տե՛ս Անանուն ժամանակագրութիւն, Վենետիկ, 1904, էջ 80:

ընդունելը) հաշվում են Թեոդորոս Ռշաունու՝ պայմանագրի կնքումից սկսած: Եվ իրոք, 652 թվի ամսանից մինչև 682 թ. ամառը լրիվ 30 տարի է անում:

Այսպիսով կարելի է որոշել Թեոդորոս Ռշաունու և Մուսավիայի միջև կնքված պայմանագրի ոչ միայն ստույգ թիվը, այլև տարվա ժամանակը: Երբ կնքվել է այդ պայմանագիրը, այն է՝ 652 թվի ամառը:

2. ԱՆԱՍՏԱՍ ԱԿՈՌԵՑԻ, ԻՍՐԱՅԵԼ ՕԴՄՍԵՑԻ ԵՎ ՍԱՀԱԿ ՋՈՐՈՓՈՐԵՑԻ ԿԱԹՈՂԻԿՈՍՆԵՐԻ ԺԱՄԱՆԱԿԸ

Հայոց կաթողիկոսների ժամանակի ճշգրտումն անհրաժեշտ և կարևոր է, քանի որ մեր պատմիչները բազմաթիվ պատմական անցքեր կապում են նրանց ժամանակի, այլև աթոռակալության այսինչ կամ այնինչերորդ տարվա հետ:

Օրմանյանը՝ Անաստաս Ակոռեցու կաթողիկոսության տարիները դնում է 661—667 թ. թ., Իսրայել Օգմսեցունը՝ 667—677 թ. թ., իսկ Սահակ Ջորոփորեցու աթոռակալությունը՝ 677—703 թ. թ.: Համապատասխան թվերը նույնն են Չամչյանի մոտ, Ալիշանը Անաստաս Ակոռեցու աթոռակալությունը դնում է 660—667 թ. թ.: Կաթողիկոսների ժամանակը ճշգրտելու գործում մեզ համար ելակետ է ծառայելու մի ամենաստույգ և անվիճելի թվական, այն է՝ խազարների արշավանքը և Գրիգոր Մամիկոնյանի սպանվելը հայոց ՃԼԴ թվականի սահմի ամսին, որը համապատասխանում է մեր թվականության 685 թ. օգոստոս ամսին: Այնուհետև Հովհաննես Դրասխանակերտցին և Վարդան Բարձրաբերդցին վկայում են, որ այդ արշավանքը տեղի է ունեցել Սահակ Ջորոփորեցու աթոռակալության 7-րդ տարում: Դրասխանակերտցին դրում է.

«Իսկ ապա եօթերորդում ամի աթոռակալութեան սորա [Սահակ Ջորոփորեցու] պատերազմ սաստիկ յայնմ մարզէ Պաղրաց՝ ի վերայ սաստկացեալ լինէր մեծ իշխանին Գրիգորի...»¹ և այլն:

Վարդան Բարձրաբերդցին վկայում է. «Ի յեօթն² յամիս սորա՝ արշաւեցին Պաղիրք ի Հայս...»³ և այլն:

¹ Ծովհաննու կաթողիկոսի Դրասխանակերտցու Պատմութիւն Հայոց, Թիֆլիս, 1912 թ., էջ 93:

² Ասողիկը վկայում է, թե խազարներն արշավել են Հայաստան Սահակ Ջորոփորեցու աթոռակալության 5-րդ տարում կամ ՃԼ թվին (681): Նկատենք, որ նախ՝ ինչպես էլ հաշվելու լինենք, ՃԼ թիվը Սահակի կաթողիկոսության հինգերորդ տարին ընկնել չի կարող և երկրորդ՝ ժամանակակից և ժամանակով մոտիկ պատմիչները 681 թվին ոչ մի խաղաղական արշավանք չեն հիշատակում: Մեզ թվում է, թե Ստեփանոս Տարոնացու (Ասողիկի) մեզ հասած ձեռագրերում սովյալ հատվածն աղավաղված է. խաղաղական արշավանքը տեղի է ունեցել ոչ թե Սահակ Ջորոփորեցու 5 ամին կամ ՃԼ թվականին, այլ նրա աթոռակալության է ամին կամ ՃԼԴ թվականին: Ի դեպ՝ այս ՃԼԴ թվականը խաղաղական արշավանքի համար կա նաև հենց իրեն՝ Ասողիկի մոտ, աղավաղված հատվածից երեք սող ներքև: Իսկ Անանիա Շիրակացին հիշատակում է նույնիսկ Գրիգոր Մամիկոնյանի սպանության օրը խաղաղական արշավանքի ժամանակ, այն է ՃԼԴ [685] թ. սահմի ամսի 10-ին:

³ Հաւաքումն պատմութեան Վարդանայ վարդապետի լուսաբանեալ, Վենետիկ, 1862, էջ 70:

Հետևաբար, Սահակ Ջորոփորեցու աթոռակալության ժամանակը կրնակ-
նի 678 թվին, այն էլ այդ տարվա երկրորդ կեսին: Իսկ նրա մահվան տա-
րին Օրմանյանը ճիշտ է որոշել՝ 703 թվին հայերի՝ արարների դեմ ունե-
ցած Վարդանակերտի նշանավոր ճակատամարտից հետո:

Սահակ Ջորոփորեցու աթոռակալության տարվան համապատասխան՝
մեկ տարով առաջ է դալիս Իսրայելի աթոռակալության տարին. ուրեմն, նա
կաթողիկոս է եղել 668—678 թ. թ., քանի որ պատմիչների բոլոր վկայու-
թյունների համաձայն՝ նրա կաթողիկոսությունը տևել է տասը տարի, հե-
տևաբար և Անաստասի աթոռակալության վեց տարիները կրնանք
632—668 թ. թ.: Իրան համապատասխան՝ Ներսես Տայեցու [Շինոդ] մահ-
վան տարին կլինի 662 թվականը: Իսկապես, եթե գումարենք Անաստասի
աթոռակալության 6 տարին, Իսրայելի 10 տարին և Սահակ Ջորոփորեցու՝
մինչև խաղարական արշավանքն ընկնող 7 տարին, կստանանք 23 տարի և
և՛ թե 685 թվականից 23 տարի հետ գնանք, կստանանք 662 թվականը՝ Անաս-
տասի աթոռակալության համար և ոչ 661 թ., մանավանդ որ Անաստաս
6, Իսրայելի 10 և Ջորոփորեցու 7 տարիները կարող են լրիվ չլինել, հե-
տևապես դումարը 23-ից նույնիսկ պակաս կարող է լինել, դրանով իսկ
661 թվականը չի կարող Անաստասի աթոռակալության տարին լինել:

Մեր ենթադրությունները հաստատվում են մի քանի պատմական
անցքերով: Այսպես օրինակ՝ Սերեոսը հիշատակում է Մուավիայի խալիֆ
դառնալը և երկրի խաղաղվելը 661 թվականին, բայց Ներսեսի մահվան մա-
սին չի հիշատակում¹: Ղևոնդը², Դրասխանակերտցին³ և Սաեփանոս Տարո-
նացին⁴ վկայում են, թե հայերը Ներսեսի գլխավորությամբ խնդրում են
Մուավիա խալիֆին, ըստ երևույթին այն բանի համար, որպեսզի նա վե-
րականգնի թեոփորոս Ռշտունու հետ կնքած պայմանագիրը, խոստանալով
վճարել տարեկան 500 դահեկան հարկ: Այս դեպքերը տեղի են ունեցել 661
թվականին՝ Մուավիայի խալիֆ դառնալուց և երկրում խաղաղու-
թյուն հաստատվելուց հետո, այսինքն այդ տարվա երկրորդ կեսին: Ավելին. Դրաս-
խանակերտցին և Սաեփանոս Տարոնացին գրում են, թե Մուավիայի խա-
լիֆության երկրորդ տարում (662 թ.) Գրիգոր Մամիկոնյանն իշխան է
կարգվում նախարարների և Ներսեսի խնդրանքով: Ուրեմն, Ներսեսը կարող
էր մեռած լինել ամենաշուրջ 662 թվականի սկզբներին և այդ ժամանակ
միայն Անաստասը կարող էր կաթողիկոս դառնալ: Այնուհետև հիշատակու-
թյուն կա, որ Ներսեսը կաթողիկոս է եղել քսան տարի և ինն ամիս⁵: Այս
դեպքում էլ նրա մահը դարձյալ կրնանք 662 թվականին:

Պատմիչները վկայում են, որ Արուճի (Թալիշ) կաթողիկեի կառու-
ցումը տեղի է ունեցել Անաստասի օրոք, իսկ Արուճի շինարարական ար-

¹ Սեբեոսի եպիսկոպոսի պատմություն, հրատ. Արմֆանի, 1939 թ., էջ 156:

² Ղևոնդեայ Մեծի վարդապետի պատմություն, Պետերբուրգ, 1887, էջ 14:

³ Յովհաննու կաթողիկոսի Դրասխանակերտցույ Պատմություն Հայոց, Թիֆլիս, 1912
էջ 89:

⁴ Սաեփանոսի Տարոնացույ Ասողկան Պատմություն տիեզերական, Պետերբուրգ՝ 1883,
էջ 122:

⁵ Չ ա մ չ յ ա ն, «Պատմութ. Հայոց», հատ. Բ, էջ 360:

ձանագրությունը վերադրվում է 668 թվականին: Այս էլ կարող է ապացույց լինել, որ Անաստասը մեռել է 668 թվականին և ոչ 667-ին: Նկատի ունենալով, որ նա կաթողիկոս է եղել վեց տարի, ապա նրա աթոռակալության տարին կլինի 662 թվականը:

Մեր հաշվումների ճշտության համար մի այլ ապացույց էլ կարող է ծառայել այն, որ արար զորավար Բառարան ասպատակություններ է կատարել Հայաստանում և դուրս է վտարվել Հայաստանից 678 թ.¹: Բառարային հիշող պատմիչները՝ Դրասխանակերտցին² ու Վարդանը³ նրա ասպատակությունը դնում են Խորայելի ժամանակ⁴: Ուրեմն Խորայելը կարող էր մեռած լինել ամենաուշը 678 թվին և հետևել նրա աթոռակալությունը մինչև 677 թ. հասցնել:

3. ԱՇՈՏ ԲԱԳՐԱՏՈՒՆԻ, ՆԵՐՍԵՆ ԿԱՄՍԱՐԱԿԱՆ, ՍՄԲԱՏ ԲԱԳՐԱՏՈՒՆԻ

Այս երեք իշխանների ժամանակը պամագիտության մեջ, մասամբ և մատենագիրների մոտ, շփոթված և խառնված է: Չամչյանն Աշոտի իշխան դառնալը դնում է 685 թվականին և տեղումնում համարում է չորս տարուց փոքր ընչ ավելի⁵: Ներսես Կամսարականի իշխանության սկիզբը դնում է 690 թվականին⁶, իսկ Սմբատին որդես իշխան չի իմանում, նրան համարում է զորավար՝ թե Աշոտի և թե Ներսեսի ժամանակ: Նա ընդհանրապես 690—700 թվականների անցքերը շփոթում է միմյանց հետ:

Օրմանյանը փորձում է վերացնել այդ շփոթը, սակայն ավելի քան խճճում է պատմական անցքերը: Նա խազարների արշավանքը և Գրիգոր Մամիկոնյանի ասպնոթյունը դնում է 682 թվականին և մինչև 688 թվականն ընկնող վեց տարին հավասար բաժանում է Աշոտի ու Ներսեսի միջև, այլև ենթադրում է, թե այդ ժամանակ՝ «թերևս եռամյա պայմանաժամով իշխանապետ փոփոխելու սովորություն մը կար»⁷,—մի բան, որ բոլորովին անհիմն է: Այնուհետև Հուստինիանոս կայսեր գողմից դուրս նշանակված մի երկրորդ Ներսես Կամսարական իշխանի համար էլ իշխանության տարիներ է տալիս 692—695 թ. թ., իսկ Սմբատ Բաղրատունու իշխանության սկիզբը դնում է 695 թվականին⁸: Օրմանյանի՝ երկրորդ Ներսես Կամսարականին վերաբերող սխալը հետևանք է այն բանի, որ Սամվել Անեցու⁹

¹ Օրմանյանը, առանց հիմք ունենալու, այդ արշավանքը դնում է Սահակ Չորոփորեցու ժամանակ՝ 679 թ. ՏԷՍ Օրմանյան — Աղգապատում, հատ. Ա, էջ 755—756:

² Յովհաննու կաթողիկոսի Դրասխանակերտցույ Պատմութիւն Հայոց, Թիֆլիս, 1912, էջ 93:

³ Հաւաքումն պատմութեան Վարդանայ վարդապետի լուսաբանեալ, Վենետիկ, 1862, էջ 70:

⁴ Չամչյան, Պատմութիւն Հայոց, հատոր Բ, էջ 371—372:

⁵ Նույն տեղում, էջ 373:

⁶ Օրմանյան — Աղգապատում, Կ. Պոլիս, 1912 թ., էջ 758—759:

⁷ Նույն տեղում, էջ 759:

⁸ Նույն տեղում, էջ 771:

⁹ Սամուէլի քահանայի Անեցույ Հաւաքումնը ի դրոց պատմագրաց, Իմփաթին, 1893, էջ 84:

և Կիրակոս Գանձակեցու¹ տեղեկությունների համաձայն՝ Գրիգոր Մամիկոնյանից հետո Ներսէս Կամսարականն է իշխել, ապա՝ Աշոտ Բագրատունին, իսկ մյուս պատմիչների մոտ Աշոտից հետո հիշատակվում է Ներսէս Կամսարականը։ Օրմանյանը, շփոթելով վերացնելու համար, ստեղծել է երկրորդ Ներսէս Կամսարականին։

Ահա այս ամենը, ինչ հայտնի է պատմադիտությունն այս երեք իշխանների և նրանց ժամանակի վերաբերյալ, ըստ որում շփոթված է ոչ միայն նրանց ժամանակը, այլև անձերը։

Սակայն մատենագրական վկայությունների ուշադիր դնումը մեզ որոշ եզրակացությունների է բերում։

Դ՛նենք այդ վկայությունները։

Ա. Աշոտ Բյուրատյան Բագրատունի

7-րդ դարի՝ մեզ հետաքրքրող անցքերին ժամանակով ամենամոտը 8-րդ դարի պատմիչ Ղևոնդն է, որն իր գրքի 6 գլուխը նվիրել է Աշոտին. այնտեղ նա վկայում է.

«Իսկ ապա յետ մահուանն Գրիգորի յաջորդէ զիշխանութիւնն Աշոտ Պատրիկ այր երևելի և նախամեծար ի մէջ նախարարացն Հայոց, ի տոհմէ Բագրատունեաց»²։

Երկրորդ՝ ժամանակով մոտ՝ պատմիչը Հովհաննէս Դրասխանակերտցին է, որն Աշոտի և Ներսէսի վերաբերյալ ոչինչ չգիտէ և Գրիգոր Մամիկոնյանի մասին խոսելուց հետո սկսում է խոսել Սմբատ Բագրատունու մասին³։

Ստեփանոս Տարոնացին (Ասողիկ) ուղղակի հիշատակում է Աշոտ Բագրատունու իշխան դառնալու տարին։

«Ի սորա [Սահակ Ջորոփորեցու] 6 [պետք է լինի է]⁴ ամին իշխան Գրիգոր պատերազմեալ ընդ խաղրաց՝ մեռանի ի ՃԼ [պետք է լինի ՃԼ]⁵ թուականին։ Եւ ի ՃԼ 6 թուականին Աշոտ Բագրատունի Հայոց իշխան եղև ամս Գ»⁶։

Սամվել Անեցին թեև Աշոտից առաջ սխալ կերպով հիշատակում է Ներսէս Կամսարականին, բայց և այնպես Աշոտի իշխան դառնալը դնում է ՈԶԶ (686) թվականին։

«ՈԶԶ։ Հայոց՝ Աշոտ՝ ամս Գ»⁷։

¹ Կ. Գանձակեցի, Պատմութ. Հայոց, Թիֆլիս՝ 1909, էջ 60։

² Պատմութիւն Ղևոնդեայ Մեծի վարդապետի հայոց, Պետերբուրգ, 1887, էջ 16։

³ Թեբեա Դրասխանակերտցու Պատմության համապատասխան հատվածը մեզ չի հասել։

⁴ Տես վերևում, էջ 64։

⁵ Նույնը։

⁶ Ստեփանոսի Տարոնացույ Ասողկան Պատմութիւն տիեզերական, Պետերբուրգ, 1885, էջ 100։

⁷ Սամուէլի քահանայի Անեցույ Հավաքմունք ի գրոց պատմագրաց, Էջմիածին, 1893, էջ 84։

Վարդան Բարձրաբերդցին վկայում է.

«Ի յեօթն ամին սոցա Սահակ Ձորովորեցու՝ արշաւեցին Քաղիք ի Հայս և սպանին զԴրիգոր իշխանն և զերեցին զհնարաւորն իւրեանց: Եւ առնու զիշխանութիւնն Աշոտ Բագրատունի՝ որդի Սմբատայ»¹:

Բնորոշ է, որ ժամանակով մոտ պատմիչները բոլորն էլ Աշոտի իշխանությունը դնում են Դրիգոր Մամիկոնյանից հետո: Ստեփանոս Տարոնացին և Սամվել Անեցին Աշոտ Բագրատունու իշխան գահնալու տարին նույնիսկ որոշակի համարում են 686 թվականը, իսկ Ղևոնդի ու Վարդանի վկայութիւնների մեջ թեև թվականը չի բերված, սակայն դրանք չեն հակասում Ստեփանոս Տարոնացու և Սամվել Անեցու վկայութիւններին:

Օրմանյանը Դրիգորի մահը դնելով 682 թվականին, ընկնում է հակասութիւնների մեջ: Մինչդեռ, ինչպես ցույց ենք ավել, Դրիգոր Մամիկոնյանն ուղանվել է 665 թ. օգոստոսին: Նրան սպանող խաղաղները, ինչպես վկայում է Ասողիկը, 665 թ. տիրեցին Հայաստանին, Վրաստանին և Աղվանից աշխարհին, ըստ երևույթին նրանց վտարումից հետո միայն, 686 թվականին է, որ Աշոտն իշխան է դառնում:

Ստեփանոս Տարոնացին և Սամվել Անեցին Աշոտի իշխանության տևողութիւնը ցույց են տալիս երեք տարի, սակայն ավելի ճիշտ է ժամանակով ամենամոտիկ պատմիչը՝ Ղևոնդը, որը վկայում է.

«Իսկ Աշոտոյ կալեալ զիշխանութիւնն ամս Դ. և ի չորրորդ ամի իշխանութեան նորա գունդ մի ասպատակութեամբ յորդուցն Իսմայելի հարձակեալ ի վերայ աշխարհիս Հայոց...»² և այլն:

Ուրեմն Աշոտն իշխան է եղել երեք լրիվ տարի և նրա իշխանության չորրորդ տարում Ատրպատականի կողմից ասպատակած արաբական մի քուղատի դեմ տեղի ունեցած ճակատամարտում Աշոտը, մահացու վերք ստանալով, մահացել է:

Ուրեմն Բյուրատյան Աշոտ Բագրատունու իշխանության ժամանակամիջոցը կլինի 686—689 թ. թ., ըստ որում 689 թվականը՝ ոչ լրիվ: Աշոտ Բագրատունու իշխանության ժամանակ նրա եղբայր Սմբատը վարում էր Հայաստանի ղորավարի պաշտոնը:

Բ. Ներսէս Կամսարական

Բյուրատյան Աշոտի մահվան տարում (689) բյուզանդական կայսրութիւնը գրավելով Հայաստանը, այնտեղ կյուրոպաղատ է նշանակում ծերունի Վահան Կամսարականի որդուն՝ Շիրակի և Արշարունքի տեր Ներսէս Կամսարականին: Ներսէս Կամսարականի իշխանության տևողութիւնն Ստեփանոս Տարոնացին ցույց է տալիս չորս տարի. Հուսախնիանոս Երկրորդը «Կացոյց իշխանս աշխարհացն, զՆերսէս Շիրակայ տէր... և Ներսէս Կամսարական եկաց իշխան Հայոց ամս Դ»³:

¹ Հաւաքումն պատմութեան Վարդանայ վարդապետի լուսարանեալ, Վենետիկ, 1862, էջ 70:

² Պատմութ. Ղևոնդեայ Մեծի վարդապետի Հայոց, Պետերբուրգ, 1887, էջ 17—18:

³ Ստեփանոսի Տարոնացւոյ Ասողկան Պատմութիւն տիեզերական, Պետերբուրգ, 1885, էջ 101:

Իսկ Սամվել Անեցին¹ և Կիրակոս Գանձակեցին՝ նրան տալիս են երեք տարի: Համենայն դեպս Աշոտ Բագրատունին և Ներսես Կամսարականը երկուսը միասին իշխել են վեց տարի՝ 686—691 թ. թ. և ավելի հավանական կլիներ Ներսեսի իշխանության ժամանակամիջոցը գնել 689 թ. սկզբներից մինչև 691 թ. վերջերը: Սրան կհակասեր միայն Ասողիկի վկայությունը, որ Ներսես Կամսարականն իշխան է եղել չորս տարի, սակայն ինքը՝ Ասողիկը Աշոտի իշխանության սկիզբը գնում է 686 թվականին, իսկ Ներսես Կամսարականի իշխանության վերջը գնում է 691 թվականին, այսինքն երկուսին միասին՝ վեց տարի: Սեր այս հաշվումներին հակասող ուրիշ ոչինչ մեզ հայտնի չէ և այլ տեղեկություններ էլ չկան, փնտռել է ընդունել, որ Ներսես Կամսարականն իշխել է 689—691 թ. թ.: Սրա իշխանության ժամանակ էլ Հայաստանի զորավարի պաշտոնում փնտռել էր Սմրատ Բագրատունին:

Ներսես Կամսարականին հիշում է նաև Սոկրատ Սքոլաստիկոսի «Նկեղեցական պատմության» հայ թարգմանիչը՝ Փիլոն Թիրակացին, որն այդ համոռոտ թարգմանությունը կատարել է Ներսեսի հանձարարությամբ²: «Սեղրեսարոսի վարքը» Գրիգոր Ջորոփորեցին թարգմանել է նույն Ներսես Կամսարականի հանձնարարությամբ, ըստ երևույթին 696 թվականին:

Անանիա Շիրակացին Ներսես Կամսարականին հիշատակում է իր թվաբանության խնդրագրքում (հարց Ի), նկարագրելով նրա որսն Արտին լեռան վրա՝ Թալինի մոտ³:

Սոկրատ Սքոլաստիկոսի «Նկեղեցական պատմության» հրատարակիչ Մեսրոպ Տեր-Մովսիսյանը⁴, հետևելով Ալիշանին⁵ Ներսեսի իշխանության տարիները համարում է 688—691 թ. թ.:

Թերևս նույն Ներսեսին է վերաբերում խոսքը Մովսես Պորենացուն կամ Անանիա Շիրակացուն վերադրվող «Աշխարհացոյցի» այն հատվածում, որտեղ թվարկվում են Աֆրիկայի գավառները, այդ թվում և Պոնտիկան՝ «որոյ իշխեցու իմաստունն Ներսես Կամսարական պատրիկն Շիրակայ և Արշարունեաց տէրն»⁶: Այս դեպքում կարելի է ենթադրել, որ Ներսես Կամսարականը 691 թվականից հետո բյուզանդական կայսեր կարգադրությամբ թողնում է Հայաստանը և իշխան է կարգվում Պոնտիկայում:

¹ Սամուէլի քահանայի Անեցւոյ Հաւաքմունք ի գրոց պատմագրաց, Էջմիածին, 1893, էջ 84:

² Կիրակոս Գանձակեցի, Պատմութիւն Հայոց, Թիֆլիս, 1909, էջ 60:

³ Տես Սոկրատայ Սքոլաստիկոսի Նկեղեցական պատմութիւն և պատմութիւն վարուց սրբոյն Սեղրեսարոսի եպիսկոպոսին. աշխատասիրութեամբ Մեսրոպ վ. Տէր-Մովսիսեան, Վաղարշապատ, 1896 թ., էջ 689:

⁴ Գալուստ Տեր-Մկրտչյան, Անանիա Շիրակացի, Վաղարշապատ, 1896 թ., էջ 25, հարց Ի:

⁵ Նույն տեղում, առաջաբան, էջ 28:

⁶ Ալիշան, Շիրակ, էջ 4:

⁷ Աշխարհացոյց Մովսիսի Պորենացւոյ, յաւելուածովք նախնեաց, Վենետիկ, 1881 էջ 18:

Գ. Սմբատ Բյուրատյան Բագրատունի

Հայաստանի իշխանի պաշտոնում ներսեհ Կամսարականին հաջորդում է Սմբատ Բագրատունին: Ժամանակով մոտ պատմիչ Ղևոնդը Սմբատ Բագրատունի իշխանին հիշատակում է 698 թ. անցքերի կապակցությամբ, առանց ցույց տալու նրա իշխանությունը սկիզբը¹:

Դրասխանակերացին Սմբատի իշխան դառնալը հիշատակում է թերևս պակասավոր մի հատվածում և նրան դնում է Գրիգոր Մամիկոնյանից անմիջապես հետո:

Սմբատ Բագրատունու իշխան դառնալու տարեթիվը բերում են Սահփանոս Տարոնացին և Սամվել Անեցին: Առաջինը վկայում է.

«Եւ զկնի նորա [ներսեհ Կամսարականին] ի ՃԽ [691] թուականին Սմբատ Բագրատունի Բիւրատեան Հայոց իշխան եղև ամս Ի»²:

Սամվել Անեցին իր ժամանակագրության մեջ նույնպես 691 թ. տակ է հիշատակում Սմբատ Բագրատունու իշխան դառնալը.

«ՈՂԱ... [691] Հայոց՝ Սմբատ Բագրատունի Բիւրատեան՝ ամս Ի»³:

Ինչպես տեսնում ենք, երկու պատմիչներն էլ համերաշխ են Սմբատ Բագրատունու իշխան դառնալու տարեթվի հարցում և մենք այդ թիվը ստույգ չհամարելու ոչ մի հիմք չունենք: Սակայն չի կարելի համաձայնել պամիհչների հետ, թե նրա իշխանությունը տևել է 20 տարի: Այդ նշանավոր մարդու կյանքը մեզ որոշ չափով հայտնի է. 686—691 թ. թ. Սմբատ Բագրատունին վարում էր Հայաստանի զորավարի պաշտոնը, 691 թ. նա իշխան է դառնում, երբ Հայաստանը գտնվում էր բյուզանդական տիրապետության ներքո: 698 թ. մենք նրան տեսնում ենք այդ տիրապետության դեմ ըմբոստացած և նրա ընդվզումը ճնշելու համար մեծ զորքով Հայաստան է գալիս ինքը՝ Աբսիմար կայսրը: 698—700 թ. թ. նա կենաց և մահու կռիվ է մղում արաբական նոր արշավանքների դեմ, որոնցով Հայաստանը վերջնականապես ենթարկվեց արաբական խալիֆային: Սմբատը շղթայակապ Ասորիք է գերեվարվում (700 թ.): 703 թ. մենք Սմբատին գտնում ենք դարձյալ Հայաստանում և նա այս անգամ գլխավորում էր հայերի ապստամբությունն արաբների դեմ և Վարդանակերտի հռչակավոր ճակատամարտում գլխովին ջարդում է արաբներին: Վերջապես 705 թ., երբ հայերից շատերին արաբները նենգաբար հրկիզեցին Նախճավանի և Խրամի տաճարներում, Սմբատն էլ այլ նախարարների հետ շղթայակապ արվեց և իր ամբողջ հարստությունը, որպես փրկավճար, արաբներին հանձնելուց հետո խաչ բարձրացվեց ու մեռավ:

¹ Պամութինն Ղևոնդեայ մեծի վարդապետի Հայոց, Պետերբուրգ, 1887, էջ 19:

² Յովհաննու կաթողիկոսի Դրասխանակերացւոյ Պատմութիւն Հայոց, Թիֆլիս, 1912, էջ 93:

³ Ստեփանոսի Տարօնեցւոյ Ասողկան Պատմութիւն տիեզերական, Պետերբուրգ, 1885, էջ 101:

⁴ Սամուէլի քահանայի Անեցւոյ Հաւաքմունք ի դրոց պատմագրաց, Էջմիածին, 1893, էջ 84:

Սմբատ Բագրատունին պատմագիրներին մոտ հանդիպում է Սմբատ Բյուրատյան, Սմբատ որդի Սմբատ Վարադադի որդի և Սմբատ որդի Աշոտի անուններով։ Ամբատ և Աշոտ անունները Բագրատունյան տոհմի համար այնքան սովորական են եղել, որ նրանց շփոթելը միանգամայն հնարավոր է և իրավացի է Օրմանյանը, երբ միևնույն անձն է համարում տարբեր անուններով հանդիպող Սմբատ Բագրատունուն։ Իսկ այն հանդամանքը, որ պատմիչները նրա իշխանությունից տեղեկությունը համարում են քսան տարի, մեր կարծիքով՝ կարելի է բացատրել նրանով, որ Սմբատը 686—691 թ. թ. եղել է զորավար, իսկ 691—705 թ. թ. (թեև ընդմիջումով) վարել է իշխանի պաշտոնը, այդպիսով նա պատմական նշանավոր դեր է խաղացել ուղիղ քսան տարի։

Այսպիսով՝ այն եղրակացությունները, որոնց մենք հանգեցինք այս հոդվածում, հետևյալներն են.

1. Թեոդորոս Ռշտունու և Մուսավիայի միջև պայմանագրի կնքումը տեղի է ունեցել 652 թ. ամսուր։

2. Ներսես Տայեցի (Շինող) կաթողիկոսը մեռել է ոչ թե 661 թ., այլ 662 թվականին։

3. Անաստաս Աղուեցի կաթողիկոսի աթոռակալության տարիներն են ոչ թե 661—667 թ. թ., այլ 662—668 թ. թ.։

4. Իսրայել Օղմսեցի կաթողիկոսի աթոռակալության ժամանակն էլ մի տարով առաջ է դալիս և ընկնում է 668—678 թ. թ.։

5. Ստհակ Ձորոփորեցի կաթողիկոսի աթոռակալությունը տևել է 25 տարի և ընկնում է 678—703 թ. թ.։

6. Գրիգոր Մամիկոնյանին հաջորդել է ոչ թե Ներսես Կամսարականը, այլ Աշոտ Բյուրատյան Բագրատունին, որը Հայաստանի իշխան է եղել 686—689 թ. թ.։

7. VII դարի վերջերին երկու Ներսես Կամսարական իշխաններ չեն եղել. Ներսես Կամսարականը ծերունի Վահան Կամսարականի որդին է, Հայաստանի կյուրոպաղատության պաշտոնն ստացել է բյուզանդական Հուստինիանոս երկրորդ կայսրից և ունեցել է ադունյուպատ, պատրիկ, գուքս տիտղոսները։ Նրա իշխանության տարիներն են 689—691 թ. թ.։

8. Սմբատ Բյուրատյան Բագրատունին Աշոտ Բյուրատյանի եղբայրն է, 686—691 թ. թ. եղել է Հայաստանի զորավարը, իսկ 691 թ. հետո՝ Հայաստանի իշխանը։ Արաբների կողմից նա մահապատժի է ենթարկվել 705 թվականին։

ХРОНОЛОГИЧЕСКИЕ ЗАМЕЧАНИЯ

(Р Е З Ю М Е)

В настоящей статье—„Хронологические замечания“—затрагиваются некоторые неуточненные или спорные хронологические даты истории армянского народа VII века.

1. В 50-х годах VII в. между правителем Армении Теодоросом Рштуни и арабским военачальником (в 661 году ставшим халифом) Муавией был заключен договор, на основании которого Армения стала подвластной арабскому халифату. Этот важнейший в истории армянского народа акт, как свидетельствует современник его—историк Себеос, имел место *в двенадцатом году* правления византийского императора Константина III. Этот договор послужил поводом к тому, что Константин III начал поход на Армению осенью 652 года, непосредственно после заключения этого договора; следовательно, договор был заключен летом 652 года. Это подтверждается и сведениями историка VIII века Леонтия, который сообщает, что Армения отпала от арабского халифата „прослужив арабам 30 лет“. А это первое отпадение Армении от арабского халифата совершилось летом 682 года, т. е. спустя ровно 30 лет со времени заключения договора 652 года.

2. Уточнение времени пребывания на престоле армянских католиков дает возможность установить некоторые исторические даты, так как армянские историки зачастую исчисляют даты тех или других исторических событий в связи с датой вступления современного им католика на престол. По некоторым датам, относящимся ко второй половине VII века, нам удалось установить следующее:

а) Католикос Нерсес III (строитель известного храма „Звартноц“) скончался не в 661, а в 662 году.

б) Анастасий из Акоры занимал престол католика не в 661—667, а в 662—668 гг.

в) Время пребывания на престоле католика Исраила из Одмсу приближается к нам на один год и занимает промежуток времени между 668—678 гг.

г) Саак из Дзоропора католиком был 25 лет, с 678 по 703 г.

3. В последней четверти VII века правителями Армении были Ашот Багратуни, Нерсес Камсаракан и Смбат Багратуни. Однако, не только время их правления, но и их личности спутаны. На основании исследования исторических событий мы полагаем следующее:

а) Григория Мамиконяна (662—685) на посту правителя Армении заменил не Нерсес Камсаракан, а Ашот Бюратян Багратуни, который правил Арменией 686—689 гг.

б) Правителем Армении в конце VII века был один Нерсех Камсаракан, а не два Нерсех'а Камсараканов. Сын престарелого Ваһана Камсаракана—Нерсех Камсаракан назначен был куропалатом (правителем) Армении византийским императором Юстинианом II и правил в 689—691 гг.

в) Смбат Бюратян Багратуни, брат Ашота Бюратяна Багратуни, при правлении брата (686—689) и Нерсех'а Камсаракана (689—691) был спарпетом (главнокомандующим) Армении, а с 691 г. он стал правителем Армении. В 703 году он возглавлял восстание армян против арабского владычества, а в 705 г. пал жертвой коварства арабского наместника в Армении и был казнен.

Бабкен Аракелян